



Рахмиддин Пардаев Нуруллаевич

Жizzax viloyati IIB xodimi

ЭКСТРЕМИЗМ ВА ТЕРРОРИЗМГА ҚАРШИ КУРАШНИНГ ҲУҚУҚИЙ АСОСЛАР

Аннотация. Мақолада Ўзбекистонда экстремизм ва терроризмга қарши курашишнинг ҳуқуқий асослари таҳлил қилинади. Мамлакатимиз ҳуқуқий тизими ва халқаро қонунчиликка кўра, экстремизм ва терроризм жиноят ҳисобланиб, уларнинг олдини олиш ва уларга қарши курашиш мухим вазифалардан биридир. Мақолада экстремизм ва терроризмга қарши курашишнинг ҳуқуқий асослари, уларнинг тарқалишига қарши курашиш стратегиялари, шунингдек, ёшлар орасида экстремизм ва терроризмнинг олдини олиш бўйича таклифлар баён этилган.

Калит сўзлар: Экстремизм, терроризм, ҳуқуқий асослар, олдини олиш, профилактика, ёшлар, жамият, Ўзбекистон.

Бугун тараққиёт ва юксак ривожланишга эришган давлатлар тажрибасига кўра, ҳар бир халқ ўз олдига улуғ ва истиқбол мақсадларни қўйиши ҳамда уни амалга ошириш салоҳиятлари билан жаҳон ҳамжамиятида муносиб ўрин эгаллади. Давлатимиз ҳам бугун ўз тарихининг ана шундай масъулиятли чорраҳасида туриди, десак, муболага бўлмайди. Биз бугун халқчил ва демократик тамойилларга асосланган Янги Ўзбекистон давлатини, эркин фуқаролик жамиятини барпо этар эканмиз аввало мазкур мақсад йўлида давлат ва жамиятнинг сиёсий-ҳуқуқий пойdevorини янада мустаҳкамлаш, мамлакатни модернизация қилиш, бу жараёнда жамоатчилик назоратини кучайтиришга қаратилган кенг қўламли демократик ислоҳотларни жадал амалга оширмоғимиз, демократиянинг асосий талаби бўлган инсон ҳуқуқлари ва қонуний манфаатларини сўзсиз таъминлаш билан бир қаторда инсониятнинг бебаҳо бойлиги бўлган тинчлик ва барқарорликни мустаҳкамлашга энг мухим вазифа сифатида аҳамият қаратмоқ лозим.

Бинобарин, Президент Шавкат Мирзиёев 2023 йилнинг 14 июль куни инаугурация маросимида сўзлаган нутқида таъкидлаганидек, “Жаҳон миқёсида бир тарихий давр ниҳоясига етмоқда. Айни вактда олдиндан таҳлил қилиб бўлмайдиган жараёнлардан иборат ўта муракқаб янги бир давр бошланмоқда” Дарҳақиқат, президент бу муаммога ўзларининг жуда кўп чиқишиларида тўхталиб, минтақамиз ва дунёдаги вазият тобора кескинлашиб бормоқда. Миллий хавфсизлигимиз, тинч ва осойишта ҳаётимизга нисбатан таҳдид ва хатарлар кучаймоқда. Шу боис хушёрлик ва огоҳликни ошириш, ўзаро ҳамжиҳатлик ва бирдамлигимизни мустаҳкамлаш, ҳар қандай таҳдидларга муносиб жавоб беришга тайёр бўлиб яшаш ҳаётнинг ўтқир заруриятига айланмоқда[Mirziyoyev Sh. Yangi O'zbekiston taraqqiyot strategiyasi. To'ldirilgan ikkinchi nashri. – Toshkent: O'zbekiston, 2022. – B. 253.]”-деб таъкидлайдилар. Шуни эътибордан четда қолдирмаслигимиз керакки замонавий фантехнология ривожи инсониятни эзгу мақсадлар йўлида хизмат қилишига ёналтирилаётган бир вактда, виртуал оламда ўзларининг ғаразли мақсадларини амалга оширишга интилаётган ёвуз кучларнинг борлиги, давлатларнинг тинчлиларни низомини бузиш ёлида турли хил босқинчиликларни амалга ошираётганлиги, айниқса ёш авлод онгига турли ёт ва ғаразли ғояларни сингдирилаётганлиги инкор этиб бўлмайдиган ҳақиқатдир. Бунга қарши ҳар бир мамлакат ўз келажаги учун ўзи қайғуриши, “ёш авлоднинг онгини салбий таъсирлардан ҳимоя қилиш, адашганларни тўғри йўлга қайтариш ўзини ватанпарвар деб ҳисоблайдиган ҳар бир Ўзбекистон фуқароси, айниқса ёшларнинг асосий бурчи бўлиб қолиши[Mirziyoyev Sh. Yangi O'zbekiston taraqqiyot strategiyasi. To'ldirilgan ikkinchi nashri. – Toshkent: O'zbekiston, 2022. – B. 253.]” бугунги куннинг заруратига айланган. Шунинг учун ҳам юртбошимиз таъкидлаётганлариdek...мана шундай



оғир ва таҳликали вазиятда халқимиз манфаатларига жавоб берадиган ягона тўғри йўлни – самарали ички ва ташқи сиёsat йўлини аниқ белгилаб олишимиз ва уни қатъий амалга ошириш лозим.

Дарҳақиқат, янги аср бошида инсоният янгича таҳдидларга дуч келиб, уларга қарши курашнинг замонавий механизмларини ишлаб чиқишиңи тақозо этмоқда. Хусусан, бевосита инсоният ҳаётига таҳдид солаётган терроризм, эсектремизм ва радикаллашув жараёнларининг кучайиши уларга қарши курашнинг янгича технологияларини яратиш, ҳуқуқий асосларини мустаҳкамлаш ҳамда ёшларга ўзига ҳос мафкуравий иммунитетни қарор топтириш муҳим аҳамият касб этади.

Эсектремизм ва терроризм XXI асрга келиб ўзининг барча кўринишларида инсониятга энг хавфли муаммолардан бирига айланди. Терроризм мамлакат миллий хавфсизлигига реал таҳдид солади. Одам ўғирлаш, гаровга олиш, самолётларни олиб қочиш, бомба портлашлари, этник-конфессионал низолардаги зўравонлик харакатлари, уларни амалга оширишнинг бевосита таҳдидлари ва бошқалар. Шунинг учун Ўзбекистон Республикасида терроризм ва эсектремизмга қарши курашиш муаммоси давлат даражасида хавфсизликни таъминлашнинг энг муҳим вазифаларидан биридир.

Ўзбекистон қонунчилиги, халқаро қонунчилик каби, шахс ҳуқуқларини ҳимоя қилишга ва давлат тузилмаларининг барқарорлигини таъминлашга қаратилган. Ҳозирги вактда Ўзбекистонда эсектремизм ва терроризмнинг тарқалишига қарши курашни таъминлайдиган нормаларни ўз ичига олган бир қатор ҳуқуқий ҳужжатлар мавжуд. Хусусан, Ўзбекистон Республикаси Конституцияси, Ўзбекистон Республикаси Жиноят кодекси, Ўзбекистон Республикасининг Маъмурий жавобгарлик тўғрисидаги кодекси, "Терроризмга қарши курашиш тўғрисда", "Эсектремизмга қарши курашиш тўғрисида", "Ўзбекистон Республикаси прокуратураси тўғрисида", "Сиёсий партиялар тўғрисида"ги Конунлари ва бошқа қонуности норматив-хуқуқий ҳужжатлардан иборат.

Терроризм ва эсектремизмга қарши курашиш бўйича ҳуқуқий стратегияни акс эттирувчи Ўзбекистон қонунчилигининг мавжуд тизими одатда терроризм ва эсектремизмга қарши самарали курашиш имконини берадиган етарлича тўлиқ ҳуқуқий нормаларга эга.

Ўзбекистон Республикаси Конституциясининг 71-моддасига қўра, "Конституциявий тузумни зўрлик билан ўзгартиришни мақсад қилиб қўювчи, Ўзбекистоннинг давлат суверенитетига, ҳудудий яхлитлигига ва хавфсизлигига қарши чиқувчи, урушни, ижтимоий, миллий, ирқий ҳамда диний адоваратни тарғиб қилувчи, фуқароларнинг конституциявий ҳуқуқлари ва эркинликларига, аҳолининг соғлигига, ижтимоий ахлоққа тажовуз қилувчи сиёсий партияларнинг, бошқа нодавлат нотижорат ташкилотларининг, шунингдек миллий ва диний белгиларига қўра сиёсий партияларнинг, ҳарбийлаштирилган бирлашмаларнинг ташкил этилиши ва фаолияти тақиқланади"[Ўзбекистон Республикаси Конституцияси 71-модда. Тошкент 2023 й].

Юқоридаги қонун ҳужжатлари эсектремистик ва террористик фаолиятга қарши курашишнинг ҳуқуқий таърифлари ва ташкилий асосларини ўз ичига олади.

Эсектремизмга қарши курашишнинг принциплари:

- қонунийлик;
- инсон ҳуқуқлари, эркинликлари ва қонуний манфаатларининг устуворлиги;
- ошкоралик;
- жавобгарликнинг муқаррарлиги принципларига асосланади.

Эсектремизм (лот. *extremus* - ўта, кески) деганда – бир киши ёки кишилар гурухининг сиёsat, дин, фасафа, фан, иқтисод ва ижтимоий ҳаётнинг бошқа соҳаларидағи кескин қарашлар ёки фаолиятини англатади.



Экстремизмнинг сиёсий ва диний кўринишлари яққол ажralиб туради. Сиёсий экстремизм намояндалари ўзларининг ғаразли мақсадига эришиш учун куч ишлатиш усулларидан фойдаланиб, мавжуд сиёсий тузилмаларнинг барқарор фаолият юритишини бузиш ва йўқотишга ҳаракат қиласди. Бу йўлда экстремистлар ва экстремистик ташкилотлар “демократия” ниқоби остида баландпарвоз шиорлар, чақириклар билан чикиб, террорчилик ҳаракатларини кўллаб-куватлайдилар, қонунга риоя этмаслик, иш ташлашлар, тартибсизликлар чиқаришга уринадилар, одамларни гижгижлайдилар, террор қилиш усулидан фойдаланадилар. Экстремистик ташкилотларнинг раҳбарлари ҳар қандай муроса ва келишувни рад этадилар ҳамда ўзига тобеларни ўз буйруқ ва кўрсатмаларини кўр-кўrona бажаришга мажбур этадилар.

Ўзбекистон Республикасининг Маъмурий жавобгарлик тўғрисидаги кодексида экстремистик характерда бўлган ноқонуний хатти-ҳаракатлар учун жавобгарлик белгиланган. Унда виждон эркинлиги, дин эркинлиги ва диний ташкилотлар тўғрисидаги қонун ҳужжатларини бузишни ўз ичига оловчи маъмурий жавобгарлик турлари мавжуд. Ўзбекистон Республикасининг Жиноят кодексида сиёсий, мафкуравий, ирқий, миллий ёки диний адovat ёки ҳар қандай ижтимоий гурухга нисбатан нафрат ёки адovat асосидаги жиноятларни содир этиш жазони оғирлаштирувчи ҳолат деб ҳисобланади.

Бундан ташқари, Ўзбекистон Республикасининг Жиноят кодексида экстремистик характерга эга бўлган жиноятларнинг турлари учун жиноий жавобгарлик белгиланган. Жиноят кодексининг 2441-моддасида (Жамоат хавфсизлиги ва жамоат тартибига таҳдид соладиган материалларни тайёрлаш, сақлаш, тарқатиш ёки намойиш этиш) 2442-моддасида (Диний экстремистик, сепаратистик, фундаменталистик ёки бошқа тақиқланган ташкилотлар тузиш, уларга раҳбарлик қилиш, уларда иштирок этиш) 156-моддасида (Миллий, ирқий, этник ёки диний адovat қўзғатиш) ҳамда террористик ҳарактердаги 150-153, 155, 159-моддаларида кўрсатилган жиноятларни содир этганлик учун умрбод озодликдан маҳрум қилишгача бўлган жазолар белгиланган[Ўзбекистон Республикаси Жиноят Кодекси].

Ҳозирги вақтда экстремизм ва терроризм Ўзбекистоннинг миллий хавфсизлигига ҳақиқий таҳдиддир. Экстремизм ҳар қандай жамиятни, ҳатто энг барқарор ва фаровон жамиятни ҳам издан чиқариши мумкин бўлган фавқулодда катта хавфдир. Жамоатчилик мухитида экстремистик ва террористик кўринишларга қарши курашишнинг асосий йўналишларидан бири уларнинг олдини олишdir. Айниқса, ёшлар ўртасида бундай профилактик ишларини олиб бориш жуда муҳим, чунки айнан ёш авлод турли хил омиллар таъсирида турли ғайриижтимоий ва жиноий гурухларнинг салбий таъсирига энг кўп тушади ва шу сабабли ёшлар орасида радикал ғоялар кенг тарқалмоқда.

Турли экстремистик гурухлар етакчилари ёшларни ўз сафларига жалб этиб, кўпинча уларга барча муаммоларни, жумладан, моддий муаммоларни ҳам осон ҳал қилишни ваъда қилмоқда. Уларнинг таъсирига тушган ёшлар бундай тузилмалар фаолиятида иштирок этиб, нафакат ўзларининг мавжуд муаммоларини ҳал этмасликлари, балки ўzlари учун кўплаб янги муаммоларни яратишлари, келажагини йўқ қилишлари ҳақида кўпинча хаёлига ҳам келтирмайдилар.

Албатта, бундай ҳодисалар оқибатларини бартараф этишдан кўра, ёшлар ўртасида экстремизм ва терроризмнинг олдини олиш анча фойдали ҳисобланади. Хусусан, ёшлар ўртасида радикал қарашларни камайтиришга қаратилган қуйидаги чора-тадбирларни таклиф қилишимиз мумкин:

Биринчидан, ёшларда ҳуқуқий маданиятни юксалтириш бўйича комплекс тадбирларни амалга ошириш. Бунга, хусусан, тарбия ва таълим соҳасидаги ҳуқуқий компонентни сезиларли даражада кенгайтириш ёрдам бериши мумкин. Ўз ҳуқуқ ва эркинликларини билиш ўсиб келаётган авлодда бошқаларнинг ҳуқуқ ва эркинликларини, жумладан, уларнинг ҳаёти, саломатлиги ва қадр-қимматини ҳурмат қилиш туйғусини шакллантиришга хизмат қиласди.



Иккинчидан, ёшларни миллати, дини, ижтимоий келиб чиқиши ва бошқа ҳолатларидан қатыи назар, барча инсонларга бағрикенг дунёқараш, бағрикенглик билан муносабатда бўлиш руҳида тарбиялаш. Бу диний, миллий ва ижтимоий экстремизмнинг турли кўринишларига қарши туришга ёрдам беради.

Учинчидан, ёшларнинг бўш вақтини ўтказиш ва ҳордиқ чиқариш масалаларини такомиллаштириш. Хусусан, клублар, маданият марказлари, кинотеатрлар, музейлар ва бошқа ижтимоий-маданий муассасаларнинг нафақат йирик шаҳарларда, балки энг кичик аҳоли пунктларида ҳам фаол фаолият юритишини таъминлаши зарур. Шунингдек, ёшлар ўртасида соғлом турмуш тарзи, спорт ва жисмоний тарбияни янада фаолроқ тарғиб қилиш зарур.

Тўртинчидан, ёшларнинг ижтимоий ва моддий таъминоти даражасини ошириш, ёш мутахассисларни иш билан таъминлашга қўмаклашиш, ёшларни уй-жой билан таъминлаш дастурларини қўллаб-қувватлаш. Бу чора-тадбирлар ёшларга давлат томонидан улар ҳақида қайгураётганини, қонунга хилоф хатти-харакатларга йўл қўйишнинг ҳожати йўқлигини англашга ёрдам беради.

Интернет сўнгги пайтларда террорчиларнинг ёшларга оммавий ахборот таъсирининг энг самарали воситасига айланди. Бунга жиноятчилар интернет тармоғининг оммалашган ёшлар аудиториясига осон кириши, аноним алоқа қилиши, глобал тарқатиш, ахборот узатишнинг юқори тезлиги, арzonлиги ва фойдаланиш қулайлиги имкониятлари сабаб бўлди.

Террорчи ташкилотлар ёшлар орасидан ўз сафига янги аъзолар, жумладан, худкуш-террорчиларни жалб қилиш учун уларни аввал радикал гояга, кейин эса ноқонуний фаолиятга жалб қилмоқда. Ҳозирги вақтда дунёда 5 миллиондан ортиқ тақиқланган сайтлар ва ижтимоий тармоқлардаги контентлар мавжуд. Бу борада, Ўзбекистон Республикаси Олий судининг қарорига асосан, 2019-2024 йилларда “Facebook” ижтимоий тармоғида 156 та, “Telegram” мессенжерида 511 та, “Instagram” ижтимоий тармоғида 152 та, “YouTube” видеохостингида 109 та, “Одноклассники” ижтимоий тармоғида 22 та, “TikTok” ижтимоий тармоғида 42 та, Интернет жаҳон ахборот тармоғидаги сайтларда 13 та, бошқа манбаларда 22 та манбаа ва контентлар (материаллар) диний экстремистик, террористик ва ақидапарастлик ғоялари билан йўғрилган деб топилган ҳамда Ўзбекистон Республикасининг худудига олиб кириш, тайёрлаш, сақлаш, тарқатиш ва намойиш этилиши тақиқланган.

Кейинги йилларда ёшларни ўз фаолиятига жалб этувчи бир қатор экстремистик оқимлар кучаймоқда. Сўнгги беш йилдаги маълумотлар таҳлили шуни кўрсатадики, жиноий фаолияти тўхтатилган ҳар беш нафардан тўрт нафари 30 ёшдан ошмаган. Ҳозирги вақтда экстремистик ташкилотлар (гурухлар) аъзоларининг асосий қисмини 30 ёшгача бўлган ёшлар ташкил этади.

Жиноят субъектлари асосан эркаклардир, лекин бაъзида қизлар ҳам ёшлар билан бир қаторда ёшларнинг экстремистик гурухларига аъзо бўлиб колишади. Қайд этилишича, террорчилик харакатларини амалга оширувчи жиноий гурухларга аъзо бўлган ёшлар айнан бир қатор ижтимоий-психологик, физиологик ва демографик хусусиятларига кўра мафкуравий таъсирга кўпроқ мойил бўлган ёшлар ташкил этади.

Бу каби салбий ҳолатларнинг олдини олиш ҳамда ёшларда вайронкор ғояларга қарши иммунитетни шакллантириш мақсадида қуйидаги йўналишларга алоҳида эътибор қаратиш керак.

- терроризм ва экстремизмга қарши курашиш бўйича ахборот-таҳлилий ва тарқатма материалларни (барча турдаги брошюралар, китоблар, мурожаатлар, плакатлар, ижтимоий реклама, хуқуқни муҳофаза қилувчи органлар фаолияти тўғрисида холис нашрлар чиқариш, ташкил этиш тематик хужжатли фильмлар ва видеолар ва бошқалар) кенг қамровда тарқатиш;



- тарғибот ва ташвиқотни қўллаб-қувватлаш (ушбу соҳадаги фаолият натижалари тўғрисида объектив маълумотларни ўз вақтида етказиш);
- қарама-қарши ташвиқот (дезинформация, жиноий фаолиятини тўхтатган жиноий гурух раҳбарларининг нутқлари, баёнотларига адекват ва ўз вақтида жавоб бериш);
- ғоявий (диний ва миллатлараро бағрикенглик, ватанпарварлик, соғлом турмуш тарзи, умумисоний қадриятларнинг устувор йўналишлари ва бошқаларни шакллантириш);
- ташкилий (жамоат ва диний бирлашмаларнинг анъанавий конструктив, шу жумладан терроризмга қарши курашиш йўналишидаги фаолиятини рағбатлантириш);
- оммавий ахборот воситалари билан ўзаро ҳамкорлик қилиш, (конференциялар, учрашувлар, давра сұхбатлари, аксилтеррор характердаги энг яхши материаллар танловлари ва бошқалар);
- таълим йўналиши (ахборот терроризмига қарши курашиш соҳасида мутахассисларни, шу жумладан фуқароларни тайёрлаш тизимини яратиш).

Интернет тармоғида экстремизм ва терроризм мағкурасини фаол тарғиб қилувчи, аҳолини экстремистик ва террористик жиноятлар содир этиш чақириқларни ўз ичига олган экстремистик ва террористик сайтларни мониторинг қилиш ва уларни бартараф этиш чораларини кўриш бўйича профилактика ишларини олиб бориша алоҳида эътиборга лойиқдир.

Бугунги кунда экстремизмга қарши курашишнинг асосий ва энг муҳим йўналишларидан бири бу экстремистик қўринишларга қарши курашиш, олдини олиш - тушунтириш ва профилактик ишлардир. Бу айниқса, ёш авлод ва турли эътиқоддаги жамоат бирлашмалари орасида долзарб ва муҳим. Экстремистик қўринишларга қарши самарали курашиш, уларни юзага келтирувчи сабабларни бартараф этиш ва экстремистик фаолиятни амалга оширишга кўмаклашувчи омилларни бартараф этиш бўйича мақсадли ишларни олиб бормасдан туриб мумкин эмас.

Хулоса ўрнида шуни айтиш мумкинки, бугунги кунда экстремизм ва терроризмга қарши курашда аҳолини, айниқса, ёш авлодни турли ёт оқимлар таъсирига тушиб қолишларига йўл қўймаслик, уларни интернет орқали тарғиб қилинаётган турли ғоявий ва ахборот хуружларидан химоя қилиш бўйича тадбирлар кўламини янада кенгайтириш, терроризм ва экстремизм ғояларига қарши йўналтирилган комплекс илмий тадқиқотлар ва китоблар тайёрлаш ва нашр этиш ҳамда бағрикенглик ғояси ва тинчликни мустаҳкамлаш масаласини илгари суриш орқали Ислом динининг асл мазмун-моҳияти юзасидан семинарлар ва конференциялар ташкил этиш, ушбу йўналишда фуқаролик жамияти институтларининг ролини янада ошириш мақсадга мувофиқ. Шундагина юртимизда ҳукм суроётган тинчлик ва бағрикенглик муҳитини асрар ва уни келажак авлодаларга ҳам етказиш имконига эга бўламиз.

Адабиётлар:

- 1.Мирзиёев Ш. Янги Ўзбекистон тараққиёт стратегияси. То‘лдирилган иккинчи нашри. – Toshkent: O‘zbekiston, 2022. – В. 253.
- 2.Ўзбекистон Республикаси Конституцияси 71-модда. Тошкент 2023 й.
- 3.Ўзбекистон Республикаси Жиноят Кодекси.
- 4.Ўзбекистон Республикасининг Маъмурий жавобгарлик тўғрисидаги кодекси.
- 5.“Терроризмга қарши курашиш тўғрисида”, “Экстремизмга қарши курашиш тўғрисида”, “Ўзбекистон Республикаси прокуратураси тўғрисида”, “Сиёсий партиялар тўғрисида”ги Қонунлари.